



---

# *BODO SECTION*

---



## CONTENTS

### BODO SECTION

### PAGE NO

1. ଅଞ୍ଚାମା ମୁଲୁଗାଓ ଜି.ଜାସୁ ଗଥ'ଫୋରନି ଦାନ୍ଦିଢ	ଢନଜିବ ନାଜାରି	88
2. ଅଞ୍ଚାଫୋରା ବିଲିରନାୟାଓ ହରନି ଢିମାଞାଓ ଦାନ୍ଦିଢ	ଢୁଦେମ ବର'	91
3. ଗୋଜାଞ ବୋଥୋର	ଢରଜ୍ୟ'ଦୁତି ନାଜାରି	92
4. ଜିଓନି ଲୋଗୋରି	ଢୁଦେମ ବ୍ରହ୍ମ	93
5. ମିଥିଗା	ରୁଗୁଞ ଗୋରା ବ୍ରହ୍ମ	94
6. ଅନଢୁଲି ବିମା	ଲାଓମୋନ ବଢୁମତାରି	95
7. ଗୋଞ ନାଜାଗୋନ ଆଓ	ବିନୟ ଞାଞ୍ଚାରି	96
8. ଢିମାଞ	ଧୁବଜ୍ୟ'ତି ବଢୁମତାରି	97
9. "ଆଞଗୋନି ବିମା"	ରୁଗୁଞ ଗୋରା ବ୍ରହ୍ମ	98
10. ବର' ହାରି	ଢୁଦେମ ବ୍ରହ୍ମ	99
11. ଜିଓନି ଦୁଞୁ	ଦାଓଗାଫୁ ବଢୁମତାରି	100
12. ହାଞମ	ହିରନ୍ୟା ନାଜାରି	101
13. ବୁଞ ଢ'ନା ମାବୋରୈ....	ରୁଗୁଞ ଗୋରା ବ୍ରହ୍ମ	102
14. ନୈ ବର' ଫିଢାଫୋର	ନିତ୍ୟାନନ୍ଦ ବ୍ରହ୍ମ	103
15. ଜିଓନି ଗିବି ମୋଜାଞ ମୋନନାୟ	ଦିବିୟା ବଢୁମତାରି	104
16. ଗୋହୋଲାଓ	ଞୋରୋମ ବର'	105
17. ଢିମାଞାଞ'	ରୁଗୁଞ ଗୋରା ବ୍ରହ୍ମ	106
18. ଲାଓଢାରି	ଞୋରୋମ ବର'	107
19. ଗାରବୋନାୟ ବୁଞ୍ଚି	ବିନୟ ଞାଞ୍ଚାରି	108
20. "ଅନଢୁଲି ଆଓ"	ଢାନ ଢୋରାଞ ନାଜାରି	109
21. ଆଞ ଆଓନୋ ଠାଗୋନ	ଅମଲ ବଢୁମତାରି	110
22. ଢମ ବୈଓ ଗୋମୋନି	ହିରାଲାଲ ଦୈମାରି	111
23. ଞୋଢୈଥି	ଞ୍ରାବିଲ ବଢୁମତାରି	112
24. ଓଦାଞ୍ଚିନି ବୈଢେନ	ଅଲକ କୁମାର ନାଜାରି	113



## अख्रामा मुलुगाव जिजासु गथ'फोरनि दान्दिसे

**सनजिब नाजरी**

**CSE. Dept. Assistant Professor**



मोनसे समनि बाश्रा, मोनसे गोजान आकाशगंगायाव (galaxy), जिजासु (curious) गथ'फोरनि मोनसे हानजा दंमोन जाय साहस आरो गोदान मुलुगखौ नायगिरनो मोजां मोनोमोन। बिथांमोनहा जाइलन (Xylon) मुंनि मोनसे ग्रहनि सोमोन्दै खोनादोंमोन, जाय गावनि अलौकिक गोहोफोर (supernatural capabilities) आरो जौगा अख्रामा बिरोंदामिन (spacecraft technology) नि थाखाय मिथिजायोमोन। गथ'फोरा बे सोमोनांथाव ग्रहखौ दावबायनायनि सानस्रिजों गोसो बोनो हादोंमोन आरो बेनि गुमुरखौ मिथिनो थाखाय मोनसे इन्टारगेलेक्टिक दावबायनायखौ जागायनो थिरांथा लादोंमोन।

बे हान्जायाव साब्रै लोगोफोर दंमोन: सोमदोन, सासे आरोदायारि रोंग'थि गोनां खुदिया, जाय गावनि स्पेसशिप बानायदोंमोन; अन्सुली, सासे मेलेमगोनां बिगियानगिरि जाय गुबुन हादोराटि जिउनि महरफोराव (alien life) जुनिया जायो; जोमै, सासे गिनो रोडै नागिरग्रा जाय साहसखौ मोजां मोनो; आरो मिथिंगा, सासे महरगिरि जाय स्केच आरो पेन्टिनि गेजेरजों गावसोरनि दावबायनायखौ लिरथुमना दोन्दोंमोन।

बिसोरनि अख्रामा जाहाज, जायनि मुडा कस्मिक क्वेस्ट (Cosmic Quest), गोदानथार बिरोंदामिनजों सुजुजानायमोन जायखौ सोमदोना गावनो डिजाइन खालामदोंमोन। बेयो फोथायथावै गोख्रैथिजों दावबायनो हागौ, गिथावना क्षुद्रग्रह फोथारफोरनि गेजेरजों दावबायनो हागौ, आरो गुबुन हादोराटि जिउनि महरफोरजोंबो रायज्जलयनो हागौ। गथ'फोरा बे इन्टारगेलेक्टिक साहसनि सायाव गावसोरनि स्पेसशिपखौ आनजाद नायनो थाखाय गोसो गुदुंमोन।

जेब्लानो बिसोरो जाइलननि बारमण्डलनि खाथियाव सौहैदोंमोन, अन्सुलीआ ग्रहनि सा बाहागोनिफ्राय ओंखारनाय सोमोनांथाव गोहोनि रिडिंफोरखौ हमदांनो हादोंमोन। बिथांजोआ सानना लादोंमोन दि बेफोर अलौकिक आखुथायनि नेरसोन जानो हागौ, जाय गथ'फोरखौ नायगिरनो बांसिन गोसो गुदुं खालामदोंमोन। जोमैआ बैंगनी आरो गोथां गेसफोरनि मोनसे गिदिंनाय बारहुंखा जोमैनि गेजेरजों कस्मिक क्वेस्टखौ नेभिगेट खालामदोंमोन, जेराव मिथिंगाया कैनवासआव गोमोथाव नुथायफोरखौ सेबखांदोंमोन।

लेन्डिंनि उनाव, बिथांमोनखौ जाइलननि लोगोआरि थागिरिफोरा बरायदोंमोन, जाय गावसोरखौ ग्रहनि गार्जियन महट्टै सिनायथि होदोंमोन। गार्जियन्सआ बेखेवदोंमोन दि बिसोरनि मुलुगा गेजेर आयामारि गोहोनि थाखाय मोनसे गोरुबलायनायमोन, जाय बिसोरनो फोथायथावै गोहोफोर आरो जौगा बिरोंदामिनसिम सौहैहोदोंमोन। बिथांमोनहा गथ'फोरखौ जाइलनखौ नायगिरनो आरो बेनि गुमुर बाश्राफोरखौ मिथिनो थाखाय हांखायहरदोंमोन।



बे हान्जाया ग्रहनि बायदि रोखोमनि नुथायफोरनि गेजेरजों मोनसे गोसो गुदुं दावबायनायाव ओंखार लाडो, मोनफ्रोमबो गावसोरनि हाग्रानि सिमांफोरनि बायजोआव सोमोनांथावफोरजों बंफबनाय। बिथांमोनहा गोजौ क्रिस्टल दाथायफोरखौ नायदिहैदोंमोन जाय मिलौदो रोजाबो, जोंबाय थानाय स्टारडास्टनि बिलोआव सानस्रिदोंमोन, आरो बिरग्रा जिबफोरनि बिखुंआवबो गाखोदोंमोन जाय आयामफोरखौ बारनो हायोमोन।

मोनसे समाव, बिसोरो जोंबाय थानाय सि-जोम गाननाय मोनसे सोमोनांथाव महरजों मोगा-मोगि जादोंमोन। बे महर मुस्रिआ गावखौ सासे गोदो गोदायनि सुबुं महट्टे दिन्धिदोंमोन जायखौ जाइलननि गुमुरनि रैखागिरि महट्टे मिथिनाय जायो। बिथाडा बिथांमोनजों गावनि ग्रहनि जारिमिनखौ रानलायदोंमोन आरो बिसोरनो फोरोंदोंमोन दि माबोट्टे मोजांनि थाखाय गेजेराटि गोहोनि गोहोखौ बाहायनो हायो।

जेळ्ळानो बिसोरनि दावबायनाया जोबनायनि खाथियाव फैदोंमोन, गथ'फोरा हमादांनो हादोंमोन दि बिसोरो खालि मोनसे गोदान मुलुगखौल' नागिरना दिहुनाखैमोन, नाथाय लोगोआरि, हानजायारि खामानि मावनाय आरो गावसोरनि गोहोखौ बांसिन मोजांनि थाखाय बाहायनायनि बादै बेसेनगोसा आयदाफोरबो सोलोंदोंमोन। गार्जियन्सआ बिथांमोनखौ दावबायनायनि थाखाय साबायखर बावदोंमोन आरो बिसोरखौ जायखिजाया समावनो फैफिन्नो थाखाय हांखायहरदोंमोन, समायखिरा लादोंमोन दि जाइलननि गुमुरफोरा जेळ्ळाबो बेखेवजानो नेबाय थागोन।

गोसोखांथिनि धोन, गोदान मोन्नाय गियान आरो बहुमनि गोमोथाव बाथाफोरनि थाखाय गोथौयै बाळ्णायनायजों, कस्मिक क्वेस्ट कूआ न'नि थाखाय लामा थि खालामो, जाय गावसोरनि फोथायथावै साहसखौ मुलुगजों रानलायनो गोसो गुदुं। जेळ्ळानो बिसोरो अखांमायाव दावखोदोंमोन, अन्सुली, जोमै, मिथिंगा आरो सोमदोना मदद खालामनो हायाखैमोन नाथाय सोमोनांदोंमोन दि आकाशगंगानि गुवार गुवार ओनसोलाव गुबुन सोमोनांथावफोरा बिसोरखौ मा नेगासिनो दंमोन।

जेळ्ळा बिसोरो जाइलनखौ नागारनो थियारि जादोंमोन, गथ'फोरा हरखाबै गोसोम महरफोरनि मोनसे हानजाजों मोगा-मोगि जादोंमोन जाय जेरावबो नुजाफेराखैमोन। बे जिबफोर, जायखौ सायखं आफाद मुडै मिथिनाय जायो, जाइलननि गोदो गोदायनि सुथुरफोरमोन आरो गावसोरनि मुलाम्फानि थाखाय गावनि गोहोफोरखौ बाहायनो नाजादोंमोन।

कस्मिक क्वेस्ट हान्जानि सोद्रोमाफोरा मिन्धिदोंमोन दि बिसोरो ग्रह आरो बेनि थागिरिफोरखौ रैखाथि होनो थाखाय गोखै खामानि मावनांगोन। अनसुलीआ गावनि बिगियानारि गियानखौ हानजानि सोरगिदिं मोनसे गोहो फोथार बानायनो थाखाय बाहायदोंमोन, जेराव जोमैआ स्पेसशिपनि हाथियार खान्थिनि बिबानखौ लादोंमोन। मिथिंगाया गावनि आरिमुआरि रोंग'थिखौ गोहोगोरा नंखाय फोथायथि सोमजिहोनो बाहायदोंमोन जाय सायखं आफादफोरखौ गोनो गोथो खालामदोंमोन, जायनि थाखाय बिसोरनि थाखाय गथ'फोरखौ नोजोर होनो गोब्राब जादोंमोन।



सोमदोनआ गावनि जौगानाय बिरोंदामिन आरो गोख्रै साननायजों, सायखं फसंथानफोरनि जाहाजफोरखौ हेक खालामनो हादोंमोन आरो बिसोरनि हाथियारफोरखौ फेलें खालामनो हादोंमोन। दावहाया गोख्रोंमोन, नाथाय गथ'फोरा सुथुरखौ फेजेननो थाखाय गावजों गाव गोहोनि सायाव सोनारना गोरलैयै जयै खामानि मावदोंमोन।

थिक जेब्ला बेबादि मोनो दि बिसोरो गोजौ आखाइ मोनगासिनो दं, अब्ला सायखं आफादफोरनि दैदेनगिरि, लाइरा मुंनि सासे गोसोम जादुगिरिआ नुजाथिदोंमोन। बिथांजोनाव गोहोफोर दंमोन जाय मोगथाडाव गावखौनो सोलाय-सोल खालामनो हायो, आरो बियो बेफोरखौ मोनसे एपकेलिप्टिक इयुननि मोनसे नंखाय फोथायथि सोमजिहोनो थाखाय बाहायदोंमोन जेराव जाइलनखौ फोजोबस्रानाय जादोंमोन आरो गथ'फोरा बेखौ होबथानो गोहो गैयामोन।

कस्मिक क्वेस्ट हाब्जाया मोनथिगौमोन दि बिसोरो लाइरानि नंखाय फोथायनायनिफ्राय उदां जानांगोन आरो थोंजोडै बिथांजोनों मोगा-मोगि जानांगोन। अनसुलीआ नंखाय फोथायनायनिफ्राय ओंखारनो लामा नागिरनो थाखाय क्वान्टम मेकानिक्स (Quantum Mechanics) नि गावनि गियानखौ बाहायदोंमोन, जेराव जोमैआ स्पेसशिपखौ थोंजोडै लाइरानि जाहाजथिं बिरहोदोंमोन, जाय बिथांखौ जोबथा दिन्थिफुंनायाव लानो थियारिमोन।

जेब्लानो बिसोरो खाथियाव सौहैदोंमोन, मिथिंगाया मासे गिदिर ड्रेगननि सावगारि बानायदोंमोन जाय लाइरानि जाहाजाव गोग्लैदोंमोन, बिनि गोसोखौ दोरोदहोदोंमोन आरो सोमदोनखौ लायरानि सिस्टेमखौ हेक खालामनो आरो गावनि गोहोखौ फेलें खालामनो खाबु होदोंमोन। गथ'फोरा जोबथा खेब जयै खामानि मावदोंमोन, गावसोरनि रुजुजायै रोंग'थिफोरखौ आबुं गोरबलायनायाव बाहायदोंमोन, आरो सोरां आरो गोहोनि बेरफुनायजों, बिसोरो लाइराखौ फेजेनदोंमोन आरो बिनि नंखाय फोथायनायखौ सिफायदोंमोन।

सायखं आफादफोरा उनफिनदोंमोन, जाइलनआ फिन खेबसेबाव रैखाथि मोन्दोंमोन, आरो कस्मिक क्वेस्ट कृआ बै सानखौ रैखा खालामदोंमोन। जेब्लानो बिसोरो बुहुमाव बिरलांफिनदोंमोन, बिसोरो मोनथिदोंमोन दि बिसोरनि साहसखौ गेलेक्टिक जारिमिनाव बयनिखुइबो देरसिन महटै गोसोखांनाय जागोन। बिसोरो बेखौबो मिन्थियोमोन दि दासिमबो गोबां गुमुर मोनै बाश्राफोरा बिसोरनि थाखाय नेगासिनो दं, आरो बिसोरो गावसोरनि उननि मुलुगनां नागिरनायाव आगान होनो नेनो हायाखैमोन।

गावसिनि बेरायनायनि मुलाम्फा जायलनखौ सुथुरफोरनिफ्राय जाफुंसारनाय आरो रंजानायनि मोन्दांथिजों, गथ'फोरा जोहोलाव महटै न'आव फैफिनदोंमोन, बिसोरनि मुंफोरा इन्टारगेलेक्टिक जारिमिननि जारिमिनाव दानख'जादोंमोन।

जोबथि।



## अखाफोरा बिलिरनायाव हरनि सिमांभाव दान्दिसे

**Sudem boro**  
**C.E. Dept (B. Tech 2nd year)**



हरनि निन गैजायै मेगनाव नुनाय सिमां फोरा  
नोरजिया आरो लोरबां  
बेखायनो सुजुनो हायाखै दासिमबो  
गोरबोआव मोन स्नि गाबनि जायख्लं ।  
गेबें गोसोनि लावनाय आयथिंखौ खोमसि  
हरनि जान्थाइयाव आगान सुरनो हायै बायदि ।  
बायग्लिनाय सिमांनि फैसालि सुंथे-सुंथे  
माळ्बाबानो सोरांसि जालायबाय,  
फुंनि गोरलै जारोम सानजों थमेननाय बिबार,  
बिथ'फोरा खेबस' जादों खोन्दो-खोन्दो,  
जोखोम जादों सिमांभाव नुनाय  
रं-बिरनि मुलुगनि नुथाइ ।  
रुगुं गैयै सिमांखौ थाजिम खालामनो  
बालायाव रिफिनाय अखा सेरेबखौ,  
नेयै नेयै गोसोआ मेंग्लि लांजोबबाय ।





## गोजां बोथोर

सरज्य'दुति नाज्जरि  
CSE Dept. (B. Tech 2nd year)



दैज्जलां बोथोरा जोबलांबाय  
मेसें बोथोरा सफैलायबाय,  
जागायजेनबाय गोजांस्त्रिउनाय, रानस्राउनाय  
बेनो जादों गोजां बोथोर ।

मेसेंनि सुदेम बार  
लोगोसे लोरबां साननि बिदुं,  
आंनि रुयदोब गोसोख्रौ सुग्लायहोदों ।  
बेनो जादों गोजां बोथोर ।

जेरैथिंबो हाद्रि गुफुंदों,  
गगा मोननाया जादों  
आंनि लोगो,  
बेनो जादों गोजां बोथोर ।

साना थाबैनो हाबदों  
अखाफोरा गोबाव सम नुजादों,  
ख्रोमसि अखोरांआव मोदानदों,  
बेनो जादों गोजां बोथोर ।

सफैलायबाय सि-जोम गानफबनायनि सम,  
नाथाय बयनिबो थाखाय नडा,  
गैजायैफोरा गोजां जानांदों,  
बेनो जादों गोजां बोथोर ।






## जिउनि लोगोरि

सुदेम ब्रम्ह

C.E. Dept. (B Tech 4th year)



खोमानांबाय आं आंनि  
 मोब्लिबगासे मिनिनाय  
 बहा थांखो नोंलाय?  
 जिउआव मोनबोनाय  
 गासै थासारिखौ फोरमायजोबनो  
 सान्दोंमोन नोंजों लोगोआव  
 नाथाय नेवसिलांबाय गोरलैयैनो  
 बहा थांखो नों?  
 गोजोनै रंजानाय मिनिनाय,  
 गोसो होसारनानै मिनिनाय,  
 सुखु-दुखुनि मिलिलायनाय,  
 गासैबो फारि-फारि  
 बहा थांखो नों?  
 गुबुननि सिगांआव गोदाव-सोराव  
 नागिरबायदोंमोन आंदि नोंखौ,  
 बहा थांजोबखो नोंनि फावथिनाया?  
 जिउनि जोबथा फैसालि सफैनोसै  
 नाथाय बहा दं नों लोगोरि?  
 फैफिनदो नों लोगोरि सना  
 नैबे आंनि.....  
 लांदां बिखायाव आरो  
 आबुं खालामफैदो निजोम जिउआव।  
 फैफिनदो नों आंनि  
 नैबे आलायारन जिउआव।








## मिथिंगा

रूगुं गौरा ब्रह्म

F.E.T. Dept. (B. Tech 2nd year)



फुंबिलि जारौ सान ओंखारनायाव  
 दावसिन-दावलाफोरा मेथाइ रोजाबो,  
 हाजो-हाला गोजौ-गाहाय बाहागोआ  
 गुफुर जोमैजों बुंफबनाय।  
 बिलाइनि गोथां गाबआ  
 बेसेदि समायदों मिथिंगानि बिखायाव,  
 बिफां-लाइफांआबो फिथाइ थाइनोसैखाय  
 समायना-रमायना बिबार बारदों।  
 बिबारफोरा फुंबिलि समाव  
 गावदां-गावदां बारदों,  
 बेलासि जारां सानआव  
 दावसिन दावलाफोरा बासायाव बिरलांफिनो।  
 आय! बेसेदि समायना मिथिंगा बिखाया  
 गोमो-गोथां गाबफोरजों बुंफबनाय,  
 जोमैफोराबो खुसिजों बिरलांदों  
 बुहुम मिथिंगानि बिखायाव।  
 हाजो-हालाफोरा बेसेबांबा  
 समायना गोथां गाबजों बुंफबनाय,  
 हांसो सिलारियाबो बेखौ नुनानै  
 खुसिजों मेथाय रोजाबनानै रंजादों।





## अनसुलि बिमा

लाइमोन बसुमतारी  
CSE Dept. (B. Tech 3rd year)



सोर बिमा नों आंख्रौ फेदेरग्रा-फोलावग्रा  
गोदै रावजों गोजोन होग्रा  
गोरबो बिखाजों अननाय लाना,  
नों आंनि आंगोनि अनसुलि बिमा  
मावरिया-खावरिया जानांदों आं  
खुसिजों मेगनाव मोदै लाना ।  
सोर दंमोन आंजों लोगोयाव  
सिनायनो मोना जाबाय आं,  
उनदुनाय समाव सोर अनदोंमोन आंख्रौ  
रैसुमै रावजों अननाय लाना  
आंनि मेगननि मोदैख्रौ सोर हुगारनायमोन  
बेनो आंनि गोरबोनि अनसुलि बिमा ।





## जों नाजागोन आयै

बिनय खाख्लारि

C.E. Dept (B. Tech 4th year)



गफबनानै थानाय  
 गोदोहाबनानै थानाय  
 हारिखौ बोखांगोन जों, फोजागोन जों  
 जेळ्ळायबो उनफिनना थाया,  
 जेळ्ळायबो गेजेन जाना थाया,  
 बर' बिमानि मेगनाव  
 मोदै बोहैहोनाय नडा जों,  
 जों नाजागोन आयै।

दं जोंहा हारिमु-दोहोरुम  
 दं जोंहा राव-थुनलाइ, आसार-खान्धि  
 अब्बालाय जोंहा मानिथो जिगा?  
 थै-थां मोन्थाइखौ मोननो,  
 आबुंडै उदांस्त्रि मोननो,  
 मुलुगाव गेरेमसा माहारि दानो  
 जेळ्ळायबो नाजागोन,  
 जों नाजागोन आयै।

दंमोन जोंहा दैमालु, सोमदोन, सिखोना बायदि  
 गोहोगोरा बिर-जोहोलाव  
 दंमोन जोंहा बिरगोस्त्रि, गाम्बारि, थंफाख्रि  
 दासिमबो जोबनानै थाडाख्रै बिसोरनि थुलुंगानाय,  
 गावनि जिउखौ बाउसोमनानै,  
 हारिखौ अराय फोथांना लाखिनो  
 मुलुगाव अराय गोजोटै लाखिनो,  
 जों नाजागोन आयै।





## सिमां

### धुबज्य'ति बसुमतारी

M.C.D. Dept. (B. Des 4th year)



सिमां, ओइ सिमां  
 मानो इसे खोथा दिनै लिरफैयो बिखायाव,  
 मानो इसे फावथिना दिनथिफैयो नों  
 हरआव,  
 बुजिनो लुबैया,  
 आरो रावबो बुजायना होआ ।  
 बारआव बिबार दं,  
 मोदोमनाय गैया....  
 हरआव निजोम दं,  
 नाथाय सुखु गैया....  
 सोरनि खोथा लाना खेबखो नों सावगारि  
 सोरगोफुरि समाइना,  
 माया गोनं नोंनि बे बिबारबारि ।  
 गोदैखौ नागिरना गोखा मोनबाय,  
 गोखाखौ बोज'बना हुदा जाबाय  
 जिउनि देरा, दावखा फालो बिरबाय....  
 थेवब्लाबो हमदां हादिया नोंनि बे  
 साइनासालि।

सिमां, ओइ सिमां  
 मा आं एसेबां गाज्रि  
 लोगो हमनाया आगान जाबाइ,  
 खनज'से..... खनज'नै....  
 दैमा रुगुंआव रेगा थालांबाय,  
 बालाबसे..... बालाबनै....  
 फेफिनदिया नों, ना आंखौसो गाज्रि  
 मोनबाय

फेफिनदिया नों, ना सोरनिबा आखाइजों  
 खाफालाव गोजा गाब गाबाय...  
 सैया-सैया नोंनि बे आखु,  
 सानदोबै बेलारोम समजों  
 आंनि दुखुआव आरोबाव साइख्लुम  
 होबावबाय।

सिमां, ओइ सिमां  
 फागुननि जावलिया बारआव,  
 फेरेंगा दाउबादि मोफ्लाम फैयो ।  
 अदाल गुदियाव,  
 मैदेर फालो जानानै रोनाव फैयो।  
 नोंनो फोरमायो  
 नोंनो दिनथियो।  
 दाइ गैया, साजा लुबैबाय,  
 नंखाइ नडा, दाहा थाबाय,  
 नागिरबायो नोंखौनो, जारा फाग्ला।

लोगोरि नों बारदैसिख्ला  
 खानाइ बिलाइ बिरग्लाडो,  
 गोजौनि सिमा,  
 हाजो सेर-सेर दिनथिलाडो  
 सोरांनि लामा,  
 आय' हाबाब.....  
 गब'लांसै आं,  
 नोंनि बे माया गोनं  
 सिमांनि बिबारबारियाव।





## "आंगोनि बिमा"

**रूगुं गौरा ब्रह्म**

**F.E.T. Dept. (B. Tech 2nd year)**



नै "आंगोनि बिमा"  
 नों बिमानि अननायाव  
 जों दिनै देरबाय, गेदेर-गोलाव जाबाय, रोंबाय,  
 नों बिमाया गावनि  
 मेगनाव मोदै लाना  
 हाजासे गोसोआव बिमाया  
 दुखु-खस्त सहायनानैब्लाबो  
 गावनि आंगो फिसाखौ  
 फेदेरबाय-फोलावबाय!!!  
 बेफोर बायदि बिमानि दुखुखौ  
 जों दाबो साननानै नायनो रोडाखौ।  
 नाथाय जों,  
 साननानै नायोमोनब्ला  
 बिमानि मेगनाव दा मोदै  
 बोहैनाय नंलियामोन।  
 गोसोआवबो दुखुआ थाबाय थानाय नंलियामोन।  
 नाथाय आंबो दिनैनि दिनाव  
 बिमानि गोजों जोंखोल मेगनाव  
 हाद्रि-बाला सारनानै होनो गोसो गैया!!!  
 बेनिखायनो जों बिमानि बेफोर  
 गासैबो दुखुखौ बावगारहोनानै  
 "आंगो बिमा"नि गोसोआव सुखुखौ  
 लाबोनो एबा लाबोफिननो हानाया,  
 एसेबांमानि गोरलै बाथ्रा नडा ।






## बर' हारि

सुदेम ब्रम्ह

C.E. Dept B. Tech 4th year.



गैया नडा दाबो दं बर' हारियाव  
 गोदोनि बिर जोहोलाव-जोहोलावफोरनि नेसोँन्धि,  
 सोमदोन, सिखोना, गाम्बारि, दैमालु आरो  
 बिरगोसि सिख्लाफोरबादि बिर जोहोलाव-जोहोलावजोफोरनि  
 जोनोम हारि बे बर' हारिया ।  
 मोसानाय-मुसुरनाय, दामनाय-देनाय, गाननाय-जोमनाय  
 गासैबो दड बे बर' हारियाव,  
 मावनाय-दांनाय, गायनाय-फुनाय  
 गासै खामानियावनो आखा-फाखा  
 नैबे बर' हारिया ।  
 बे बर' हारिनि थाखायनो  
 जोँनि आंगोनि बिर जोहोलाव-जोहोलावजोफोरा  
 थै-थां जुजिनानै मुंख्लं जालांबाय,  
 बेनो जोँनि बर' हारि ।





## जिउनि दुखु


दावगाफु बसुमतारी  
C.E. Dept. (Diploma 1st year)



आं जिउनि सुखुखौ  
बे बुहुम बिखायाव नायगिरनानै,  
मेंलिजोबबाय ...  
नाथाय जेरावबो नागिरना मोनाखिसै।

सान्दोंमोन आं सुखुखौ  
नायगिरनानै मोनग्रा जिराद,  
नाथाय जेसेबांनो सुखुखौ नागिरदोंमोन  
एसेबांनो दुखुआ आंनि जिउआव साग्लोबसारदोंमोन ।

बेनि उनाव आंनि सिडाव थानाय सानखांथिफ्रा फैदोंमोन,  
मिबेकनि फ्रेमनि गेजेरजों जोंबाय थानायाव  
बे आंनि जिउआ जोबोर समायनायै बोहैबोदों,  
आरो बे दुखुआ दासिमबो जोबना थाडाखै ।





## हांमा

हिरन्या नार्जारि

C.S.E. Dept. (B. Tech 2nd year)



हांमा थाबाय आं  
 बे जिउआव;  
 नाथाय नायोळ्ळा नुयो  
 मिथिंगानि थासारिजों  
 मोसाबायनाय बिबारफोरजों  
 बेटे, सिखिरिनि बिलिरनायजों  
 बुहुमाबो समायना ।  
 नाथाइ आंल' दिनै मानो  
 समनि रिफिखांनायाव  
 गोजा थैसामनि आगानाव  
 रागनि मुकुत गाननांनाय  
 सानदोंमोन आंबो  
 गोजोनै थानो  
 साननायखौ मावफुंनो ।  
 नाथाय दिनै आं  
 साननानै मोनासै  
 बुजिनानै मोनासै ।  
 अखां गोमसारलांबाय  
 एसेबो सिरि मोनासै आं  
 फालो-फालो बिरलांबाय  
 दाउब' फालो  
 नुनो मोनै बे गोजाम देरायाव  
 नाथाय दिनै मानोबा आं हारसिं ।







## बुं स'ना माबोरे....

**रूगुं गौरा ब्रह्म**

**F.E.T. Dept. (B. Tech 2nd year)**



थायनै मेगननि नोजोराव  
 जेब्लाबो नुसै नॉनिल' महर,  
 सुजुफ्लाडो सिमां-मोगथां नॉनिनो,  
 माबोरे बस'नो आं बै दौलेंखौ  
 माबोरे सिफायनो हानो आं बै न'साखौ,  
 जायखौ सोरजिदोंमोन सानैजों अनलायना  
 बबेबा दिदोमखौ साखि दोनना  
 अनलायनायनि दिडा जावलांनो ।  
 नॉनि नेवसिनाय मोननानैबो मानोबा  
 खेबफ्रोमबो हांआ नॉनिल' मुं गाबज्रियो ।  
 जोबथा रादाय मोननानैबो मिथिया मानो,  
 रिंगाफ्रोमबो नॉंखौल' गोसोखांफ्लाडो  
 अब्ला आं माबोरे थांना थानो हानो  
 बुं स'ना माबोरे.....।





## नै बर' फिसाफोर

नित्यानन्द ब्रह्म

C.E. Dept. (B. Tech 2nd year)



नै बर' फिसाफोर  
 सिखांदो नोंसोर  
 उन्दुना थानाय  
 बर' हारिखौ फोजाखांदो  
 जोनि बर' रायजोखौ  
 गुबुन हारिफ्रा गादबनो आवगायबोदों;  
 हनै आवगायबोदों ।  
 जोनोमगिरि बिमाखौ,  
 रैखा खालामनो सिखांदो,  
 फिसाफोर सिखांदो ।  
 बर' फिसाफोर गावजों गाव  
 दानलाय-सुलाय,  
 बेखौ नुनानै गुबुन हारिया  
 मिनियो जोखौ ।  
 गाज्रि आखल-आखु गारनानै,  
 बयखौबो असे साननानै  
 हारिखौ फोथांनो थाखाय  
 सिखांदो बर' फिसाफोर, सिखांदो ।





## जिउनि गिबि मोजां मोननाय

दिबिया बसुमतारी

FET Dept. (B.Tech 2nd year)



समा बुडो गावजों खारफानो  
 बैसोआ थिनो दसे रंजानो  
 जिउनि बालाबगासे फावथिनायाव  
 दैमाया बबेथिं बोहैलांखो  
 हमस्लाबनो हालिया.....  
 मेगननि नोजोराव बिरथिंनाय  
 सिखिरि मासेआबो बहा बिरलांखो  
 समनि गुथालआव नुस्लाबदिया।  
 सुजुदोंमोन समायना-रमायना मोनसे सिमां,  
 जायखौ जाफुंहोनो नाजादोंमोन  
 सोरबा अनजालुनि अननायनि रोसिजों !  
 नाथाय,  
 इसोरनि माया गेलेहोनाय  
 समायना-रमायना बे बुहुमाव  
 जिउनि गिबि मोजां मोननाया  
 जारिमिन महरै थालांबाया।





## जोहोलाव

**खोरोम बर'**

**C.S.E. Dept. (B Tech 2nd year)**



जोहोलाव नों जिउ बाउनांबाय  
 जोहोलाव नों मुंख्लं जानांबाय  
 ओंखारबोदोंमोन जोहोलावा दाउहा फोथाराव  
 हारिखौ फोथांना लाखिनो,  
 ओंखारबोदोंमोन जोहोलावा  
 बर' बिमानि थरथिंनाय मोदै हुगारनो,  
 ओंखारबोदोंमोन जोहोलावा  
 सुथुरफोरखौ गादबना  
 बर' हारिखौ गेरेमसा हारि दानो,  
 बहुमाव बर'खौ सिनायहोनो ।  
 अनागारि उदखारिफोरनि सिलाय गुलिजों  
 नारा-नाथा जुजिनायाव मुंख्लं जानांबाय नों जोहोलाव,  
 जेळ्ळायबो थाबाय थागोन जोहोलाव  
 नोंनि जिउमाया अलंबार जाना जोंबाय थागोन ।





## सिमांल'

### रुगुं गोरु ब्रह्म

F.E.T. Dept.B.Tech 2nd year



गोसोनि साब्नाय आंनि,  
 देरहानो लुबैनाय गोसोनि,  
 नाथाय गोसोआबो साना फिसा  
 बिरलांनोसो हास्थायो अख्रांसा।  
 गोरबोनि सिमां हमनो, सानो हाथखिं  
 मादि सोमोनांथाव गोसोनि बे थांखि।  
 रुगुं गैयै सिमांनि लैथोखौ सानस्रिनो,  
 नाजायो गोसोनि लुबैनायखौ फोजोबनो,  
 गासै साननायखौ हास्थायबाय मोनजोबनो,  
 अरायथा समनि थाखाय गोजोननो।  
 नाथाय हायना सारफावनाय बे गोसोआव सिमांल'  
 नुसै बे दुखुथिया फोथाराव।  
 सानबायना नायबाय आं गासैबो मिजिंखौ  
 नाथाय मोनजोबबाय गासैबो जाफुंथायखौ  
 बारहुंखा बैसोआव सिमांल' नुनानै  
 सम बारहोबाय आं नंखायखौ मावना ।





## लाइसटि

**खोरोम बर'**

**C.S.E. Dept. (B.Tech 2nd year)**



आगै लाइसटि  
 ओंखामआ संदोदे नाफामा एउदोदे,  
 हनै मालायफ्रा आखायाव  
 ओंखाम थफ्ला जुना,  
 फाफ्लियाव सिखा बानना  
 ज' ज' ओंखार लांबाय,  
 सिमेन हादानाव हा नायनो।  
 हा गैयाबोला,  
 हादान नंआबोला संसारखौ,  
 बोटै जानो आगै लाइसटि  
 बोटै जानो।





## गारबोनाय बुल्लि

बिनय खाख्लारि

C.E. Dept. (B. Tech 4th year)



समआ थांदों खोन्दो-खोन्दो  
 बोथोरआ बारलांदों हालो-दैलो  
 नाथाय आंनि बे बायलुं गोसो-सोलेरआ  
 थावरिफानो हायासै समजों लोगोसे।  
 साना-सान, हरा-हर बारलांदों,  
 अखानायसि सोरांदों,  
 मिथिंगा बिखाया सोलायदों,  
 थेवब्लाबो आंनि गोसो-सोलेरआ  
 दासिमबो बै सिमां राज्योआवनो दड' ।

दिनै, बारलांनाय बै समफोरखौ  
 गारबोनाय बै सनाथि बुल्लिखौ  
 उन्दै समनि बै गेलेनाय फोरखौ  
 गोसोखांनानै गाबखांदों दिनै,  
 मानोबा गोसोखौ खोमसि दरसि मोनदों।  
 बिलिफां हरनि समाव,  
 थायनै मेगना आंनि निन गैयै जाबाय,  
 मोसेबनो सानब्लाबो हालिया,  
 रिन्दाव-रिनसि जाखांफैबायल' थायो  
 बै सनाथि बुल्लिफोरा ।





## “अनसुलि आइ”

**सान सोरां नाजार्ति**

**FET Dept. (B. Tech 4th year)**



आइयै, गोरबोजों गाबज्रियो नोंखौ आं आइयै  
गोसोजों नागिरो अरायबो नोंखौ आं आइयै,  
थायोब्ला नों आंनि मेगननि आन्दोआव आइयै  
बेरखाडो नोंनि महरा अरायबो आंनि गोसो सिडाव।


अनसुलि बिमा नों आंनि जिउनि आइयै  
जोथोनगिरि नों आइयै आंनि अनसुलि बिमा,  
दुखु मोनसि-मोनसि जोथोन लायो आंखौ नों आइयै  
माबा जासि-जासि अराय नोजोर होयो आंखौ नों आइयै।

“जोनोमगिरि अनसुलि बिमा नों आंनि”  
गोसोखांदों आं नोंखौ आइयै,  
फेदेरबाइ नों दांनाय-बिलिरनाय, नोंनि गोथार अननायजों  
गोसोआव दं आइयै नोंनि बै दुखुनि मोदै बोहैनांनायखौ।

नोंनि आंखौ दुंबुद बिखायाव फोजोबनाया  
आंनि गोसोआव दाबो दं आइयै,  
आंनि गोसोनि दरखंआव दिनै नोंनिल’ सावगारि आइयै  
फोरोंबाय नों आंखौ अननो, इसोरखौ फुजिनो।

नोंनि बै आंखौ जोथोन लानाय, फेदेरनाया  
दिनै बोहैबोयो आंनि मेगनाव दैसानि निजोरा जाना आइयै,  
बेसेदि गोथार नोंनि अननाया आइयै  
बावनाय नडा आं आइयै।

नोंनि अन्नायखौ, दुखुनि मोदै बोहैनायखौ  
अराय गोसोखांगोन आं आइयै नोंखौ,  
नोंनि फोरोंनायखौ आइयै  
“अनसुलि बिमा नों आंनि आइयै” ।







## आं आडैनो थागोन

**अमल बसुमतारी**

**I.E. Dept. (B. Tech 2nd year)**



नोंनि बिखाखौ बोखावना नायनो  
आं साना- -  
नोंनि गोबोखौ आं बिजिरनो नाजाया  
नोंखौ आनजादबो लानो आं साना- -

गोबो होननाय दंमारोब्ला- -  
नोंहा आंनिनो साननायाव थार।

जेसेखि नों फोलानो नाजायाथों  
आंनिनो गोबोखौ सिग्रोमाथों  
आंनि सायाव आनजाद नायाथों  
आं आडैनो थागोन॥

नोंनि गोदै रावाव आंनि फैथाइथिया- -  
नोंनिनो नंखाय रावफोरब्ला- -  
नोंनिनो सतबांसानि सोदोबफोरा- -  
नंखाइ बालाजों दाजानायब्ला  
आंनि जेबो बुंनांगौ गैया ।



## সম বেয়ো জৌমোননি

**হিৰালাল দৈমাৰি**

**SNM OMEGA SECURITY GUARD**



বেয়ো নৌনি জিউ,  
 নৌসৌ দৈদেনাংগোন,  
 রাববো গুবুনা নৌখৌ দৈদেনা  
 গাবোন নৌ মাৰা মৌনসে জাহোনাৱ  
 গৌৰিৰ জানানৈ আন্দায়না থালাডোব্বা,  
 গুবুনা নৌখৌ খৌৱাং লায়  
 মানোনা...  
 নৌ জাফুংসাৰ জানো হাথার নাংগোন।  
 জিউআৱ নৌ জাফুংসাৰ জানো হায়াব্বা,  
 খহা জায়া রাববো।  
 জাগোন..., সাসেল' সুবুং খহা  
 সিনায়গোন বিখৌ নৌ?  
 সৌৰ বিয়ো? বিয়ো সৌৰ?  
 নৌ বিখৌ সৌনোবো হাগোন!  
 জায়খৌ নৌ,  
 আয়নানি সাখাথিয়াৱ গসংহৈব্বা ন্যুয়ৌ।  
 বেয়োথ' আঁসৌ;



রাববো সৌডা নৌখৌ  
 নৌহা ৱাং-ৰুফা দং-গৈয়া;  
 রাববো সৌডা নৌখৌ  
 নৌ মাৰ্বে দং।  
 বেখায়নৌ দা হগাৰ আঁৱৈনৌ  
 গাৱনি বেসেনগোসা সম,  
 সমনি মিজিফ্ৰা  
 গাৱ মিথিষ্টলাবৈ জায়খাৱনা থাংগোন,  
 অব্বা নৌলায় সৌৱথৌ  
 সৌলায়নায়নি সমআথ' দাবৌ দং,  
 সৌলায়স্তু মুলুগাৱ  
 গাৱনৌ গাৱ সৌলায়োব্বা  
 জায়ো জৌবৌৱৈনৌ মৌজাংনি ৰাথ্ৰা।  
 নাথায়...,  
 সমাসৌ নৌখৌ সৌলায়হৌয়োব্বা  
 দুখুনি হাংমা সূৱনাংগোন জিউআৱ।



## खौसेथि

**ग्राबिल बसुमतारी**  
CSE. Dept. (Diploma 3<sup>rd</sup> Year)



खौसेथिआव फे, फे बर'फोर,  
खौसेथिआव फे।  
मिनि-खुसि रंजाना रायजो जानो गोसो,  
खैफोदखौ लुबैया अनलायनानै थानो गोसो।  
गोजोनखौ हासथायो अरायबो बर'फोरा,  
ज'-ज' थानो लुबैयो अरायबो बर'फोरा।  
खौसेथिआव फे, फे बर'फोर,  
खौसेथिआव फे।  
नाथाय गैया माथो सुखुखौनो होआ,  
नाखेबोल' जोंखौ सानथिखौनो होआ।  
नास'यो जोंखौ गसैबो हारिया,  
मुगैयो बर'खौ बयबो हारिया।  
खौसेथिआव फे, फे बर'फोर,  
खौसेथिआव फे।  
बेसेबां गोबावनिफ्राय नाखेबगासिनो,  
गोदो गोदायनिफ्राय नाखेबगासिनो।  
रोजा-रोजा बर'फोरखौ गावथारबाय, बुथारबाय,  
रोजा-रोजा सिख्लाफोरखौ जिनाहारि खालामबाय।  
दंमोन रैखा खालामग्रा जोब्थेसालियाव थांनांबाय,  
खौसेथि गैया जेननायखौ लानांबाय।  
खौसेथिआव फे, फे बर'फोर,  
खौसेथिआव फे।





## उदांस्रिनि बेसेन

### अलक कुमार नाजरी

CSE Dept. (Diploma 2nd year)



उदांस्रि, सुबुंनि थामोनथानि बिथा, मोनसे मोजां मोनजानाय आदर्श, जाय गासै जारिमिनाव अनजिमनि जुजिनायफोरखौ थुलुंगा होदों। थेवब्लाबो, उदांस्रि मोननाया बेनि खरसानि अनगा नडा-थै, गोलोमनाय आरो मोदैजों होजानाय बेसेन । गोदो-गोदायनि सोमावसारनायसिम, उदांस्रिनि नागिरनाया गोबां बावसोमनाय आरो सोलायनो रोडै थांखिनि दाबि खालामदों।

### जारिमिनारि बावसोमनायफोर:-

गासै जारिमिनाव, साहसि जिउफोरा नाखेबनाय आरो अनागारिनि बेरेखायै सिखांदों, उदांस्रिनि थाखाय जोबथा बेसेन होनो साखा फारा। आमेरिकानि जांखिखांनाया, उदांस्रिनि लुबैनायजों थुलुंगा होजानाय, हादोर अनफाउरि फोरखौ दावहानि फोथाराव गाव-खुंथाइ आरो गावारि उदांस्रिनि मोनथाइनि थाखाय जुजिनानै गावसोरनि जिउखौ बावनाय नुनो मोनदोंमोन।

बेबायदिनो, महात्मा गान्धी आरो गोबां अनजिमनि गुबुनफोरजों दैदेनजानाय भारताव फामुवारि खुंथायनि बेरेखायै सोमावसारनाया अन्यायनि समाव अहिंसा होबथानायनि गोहोखौ दिन्थियो। हिंसा आरो अनागारि खालामनायनि उनावबो, सरासनस्रा हौवा आरो हिनजावफोरा गावसोरनि थांखियाव गोरायै गसंदोंमोन, उदांस्रिनि थाखाय सुबुं नागिरनायनि अदम्य गोसोखौ दिन्थिफुडो।

### नोगोरारि मोन्थाय सोमावसारनाय:-

जुथाइ हादोर आमेरिकायाव, 1950 आरो 1960 जिथाइनि नोगोरारि मोन्थाय सोमावसारनाया हारियारि नासयनाय आरो बोखावनायनि गुबै सैथोथिखौ सोराडाव लाबोदोंमोन। मार्टिन लुथार किंग जुनियर बायदि नोजोर गोनां सुबुंफोरनि दैदेननायाव आफ्रिकानि आमेरिकानफोरा समान मोन्थाय आरो माननि थाखाय गावसोरनि दावहायाव हान्जा सुरदोंमोन, हेंथा होदोंमोन आरो अनागारिनि मोगा-मोगि जानांदोंमोन। उदांस्रिनि बेसेनखौ मेडगर एवाडर्स, मैलकम एक्स आरो अनजिमनि गुबुन सुबुंफोर बायदि मुंख्लंफोरनि थैजों होनाय जादोंमोन, जायफोरा न्यायनि थाखाय जोबथा बावसोमदोंमोन ।

### मुलुगनां जुजिनाय:-

हायुडारि सिमाफोरनि बायजोआव, उदांस्रिनि नागिरनाया मुलुगनां गोनांथि लादों, जेराव बायदि रोखोमनि गुदि थाखोनि सुबुंफोरा नाखेबनाय आरो अन्यायनि बेरेखायै खौसे जाबाया। खोला आफ्रिकायाव बोरोन नेवसिनायनि गोग्लैनायनिफ्राय लानानै सानजा इउर'प आव तानाशाहफोरखौ बोख्लायनायसिम, सुबुंफोरा नाखेबग्रा खुंथायफोरखौ फेर फाथिनो



आरो उदांस्रि आरो गाव थिरांथानि गावसोरनि मोनथायखौ दाबि खालामनो थाखाय गावनि जिउखौ खैफोद आव खोख्लैदों।

### **आथिखालनि बादायनायफोर:-**

आथिखालनि समावबो उदांस्रिनि बेसेना मुलुगनि गोबां सुबुंफोरनि थाखाय थोजासे जानानै दं। मावथिफारियाफोर, खौरांगिरिफोर आरो सुबुं मोन्थाय टैखागिरिफोरा सिगिनाय, जोब्धेसालियाव थानांनाय आरो हिंसाजों मोगा-मोगि जायो मानोना बिसोरो गोहो गोरा खुंथायफोरनि बेरेखायै रायज्जायो आरो गुदि उदांस्रिखौ टैखा खालामो । हंकंनिफ्राय बेलाऊससिम, सुबुंफोरा उदांस्रि आरो सुबुंखान्थिनि नागिरनायाव सानफ्रोमबो बावसोमगासिनो दं ।